



Sakspapir

Sakshandsamar	Arkiv	ArkivsakID
Mona Vabø		21/538

Saksnr	Utval	Type	Dato
081/21	Kommunestyret	PS	09.12.2021

Årsmelding 2020-2021 Mobbeombodet i Vestland

Vedlegg:
Årsmelding 2020-2021

Saksutgreiing: Saksopplysningar

Alle barn og elevar skal ha trygge og gode psykososiale miljø. Barnehagen og skulen skal ha nulltoleranse for krenkingar som til dømes mobbing, trakassering og diskriminering, og dei har ei aktivitetsplikt når eit barn ikkje har eit trygt og godt lek- og læringsmiljø.

Mobbeombodet i Vestland er eit lågterskeltilbod for barn og unge i barnehage og grunnskule i Vestland, og for deira foreldre. Mobbeombodet skal bidra til at barn og unge får oppfylt rettane sine til trygge og gode barnehage- og skulemiljø.

Dette er årsmeldinga frå mobbeombodet i Vestland til fylkestinget i Vestland. Årsmeldinga gjeld for barnehage- og skuleåret 2020-2021. Den er skrive med utgangspunkt i dei førespurnadane som har kome til mobbeombodet og det arbeidet som har vorte gjort. Dei ber om at årsmeldinga også blir handsama og følgt opp politisk i kommunestyret.

For Fedje skule syner resultata frå elevundersøkinga som vart gjennomført i oktober 2021, og dei sakene vi har handsama som gjeld elevane sin rett til eit trygt og godt skulemiljø, at vi og kan bli betre. Tala syner at trivselen på skulen er gått noko ned, men at tal elevar som opplever at dei vert mobba er stabilt låge. Det er få elevar som melder at dei er med på å mobbe andre. At trivselen er noko lågare dette skuleåret kan ha fleire årsaksforklaringar. Vi veit at pandemien har gjort born og unge meir uroa, og dette er noko skulehelsetenesta og skulen har sett og erfart.

Dei to siste skuleåra har skulen motteke fem varsel om elevar som opplever at dei ikkje har eit trygt



Fedje kommune

og godt skulemiljø. Varsla er komen frå elevar, lærarar og føresette. Alle sakane vart undersøkt, og i to av tilfella vart det vurdert at eleven sin rett til eit trygt og godt skulemiljø ikkje var oppfylt. Det vart i desse sakane oppretta ein handlingsplan, utarbeid av leiinga ved skulen i samarbeid med elev, føresette og kontaktlærar.

Tiltaka som vert sett inn er både på system-, gruppe- og individnivå. Dette skuleåret har vi ein sosiallærer i 10% stilling for å jobbe med det psykososiale miljøet i elevgruppa. Stillinga er finansiert gjennom tilskot frå BUFDIR. I tillegg er det sett inn fleire timar med fagarbeidar som styrking av klassemiljøet i nokre elevgrupper. Det er og gjennomført kurs i AART (Adapted Aggression Replacement Training) i ei av elevgruppene våre. Tiltaka på gruppe- og individnivå er utarbeidd i samarbeid med eleven og heimen, og er tilpassa dei måla som vert sett for handlingsplanen.

Konklusjon

Kommunestyret tek årsmeldinga frå mobbeombodet i Vestland til vitande.

Forslag til vedtak:

Kommunestyret tek årsmeldinga frå mobbeombodet i Vestland til vitande.

Kommunestyret - 081/21

K - behandling:

K - vedtak:

Kommunestyret tek årsmeldinga frå mobbeombodet i Vestland til vitande.

Samrøystes vedteke.